



Rudnik mrkog uglja "Đurđevik" d.o.o. - Đurđevik

Broj: 03-2110/24
Đurđevik, 27.03.24

Na osnovu člana 70. stav (3) Zakona o javnim nabavkama Bosne i Hercegovine ("Službeni glasnik BiH" broj 39/14; 59/22), Zapisnika o ocjeni ponuda od 21.03.2024. godine i člana 48. Statuta Rudnika mrkog uglja "Đurđevik" d.o.o. - Đurđevik, Direktor i Prokurista Rudnika mrkog uglja "Đurđevik" d.o.o. - Đurđevik, donose:

ODLUKU

o izboru najpovoljnijeg ponuđača za javnu nabavku robe
Gume 26,5 R25 E4 za zglobni damper Volvo A35G za teške uslove rada -20- komada

Nakon provedenog Otvorenog postupka za nabavku robe: **Gume 26,5 R25 E4 za zglobni damper Volvo A35G za teške uslove rada -20- komada** Ugovor se dodjeljuje ponuđaču "Nexen" d.o.o. Banja Luka čija je ponuda ocjenjena kao najuspješnija.

O B R A Z L O Ž E N J E

Po obavještenju o nabavci za javnu nabavku robe: **Gume 26,5 R25 E4 za zglobni damper Volvo A35G za teške uslove rada -20- komada** broj obavještenja: 350-1-1-44-3-63/24 od 16.02.2024. godine, Tendersku dokumentaciju preuzelo je 16 ponuđača, a što se vidi iz izvještaja o preuzimanju tenderske dokumentacije od strane ponuđača sa Portala javnih nabavki www.ejn.gov.ba kreiranog 13.03.2024. godine, a koji je sastavni dio ovog zapisnika.

Rok za dostavu ponuda bio je 12.03.2024. godine do 11:00 sati, a javno otvaranje ponuda je zakazano za 08.03.2024. godine u 11:30 sati u prostorijama Rudnika.

Na osnovu poziva i Obavještenja o nabavci svoju ponudu u datom roku su dostavili sljedeći ponuđači:

- 1) Ponuda sa prijemnim brojem 19-1741/24 od 13.03.2024. godine,
Ponuđač: "PGL Protect" d.o.o. Lukavac
- 2) Ponuda sa prijemnim brojem 19-1745/24 od 13.03.2024. godine,
Ponuđač: "Nexen" d.o.o. Banja Luka
- 3) Ponuda sa prijemnim brojem 19-1749/24 od 13.03.2024. godine,
Ponuđač: "Gold Mignon" d.o.o. Sarajevo

Javno otvaranje ponuda je dana 13.03.2024. godine u 11:30 sati izvršila Komisija za provođenje postupka javne nabavke imenovana Rješenjem direktora broj: 03-976/24 od 14.02.2023. godine.

Javno otvaranje ponuda izvršeno je u skladu sa članom 63. Zakona o javnim nabavkama i sačinjen je Zapisnik o otvaranju ponuda. Zapisnik sa javnog otvaranja ponuda i zapisnik o zaprimanju ponuda je dostavljen ponuđačima istog dana.

Na zatvorenoj sjednici Komisije za nabavke održanoj dana 13.03.2024. godine u 12:00 sati Komisija je izvršila uvid u dostavljene ponude te konstatovala sljedeće:

- ponuda ponuđača: "**PGL Protect**" d.o.o. **Lukavac** je **nepravilna** jer ponudena roba nije u skladu sa Tenderskom dokumentacijom. Naime, Tenderskom dokumentacijom su tražene gume 26.5 R25 E4, dok je ponuđač ponudio gumu 26,5 E4/L4 TL BDTS, a što nije u skladu sa Tenderskom dokumentacijom.
- ponuda ponuđača "**Nexen**" d.o.o. **Banja Luka** je **prihvatljiva** jer ponuđač nije bio isključen u skladu sa članom 45. ZJN BiH i ispunjava kriterije za izbor najpovoljnije ponude, te je njegova ponuda u skladu sa tehničkim specifikacijama.
- ponuda ponuđača "**Gold Mignon**" d.o.o. **Sarajevo** je **prihvatljiva** jer ponuđač nije bio isključen u skladu sa članom 45. ZJN BiH i ispunjava kriterije za izbor najpovoljnije ponude, te je njegova ponuda u skladu sa tehničkim specifikacijama.

Obzirom da su ponude ponuđača: "Nexen" d.o.o. Banja Luka i "Gold Mignon" d.o.o. Sarajevo prihvatljive, ponude se mogu unijeti u sistem E-nabavke prije zakazivanja e-aukcije.

E-aukcija je zakazana za 20.03.2024. godine u 10:00 sati. U toku e-aukcije bilo je podnošenja novih ponuda i promjenjena je rang lista ponuđača. Ponuđač "Nexen" d.o.o. Banja Luka umanjio je vrijednost svoje ponude za 22,46%, a ponuđač "Gold Mignon" d.o.o. Sarajevo, umanjio je vrijednost svoje ponude za 22,28%.

Izvještaj sa e-aukcije čini sastavni dio ovog Zapisnika.

Komisija je zatim izvršila analizu prihvatljive ponude prema kriteriju **Najniža cijena**, te konstatuje sljedeće:

Ponuda koja je ocijenjena kao najuspješnija je ponuda ponuđača koji je ponudio najnižu cijenu:

1. Ponuda ponuđača: "**Nexen**" d.o.o. **Banja Luka broj: NXN-42/24 od 13.03.2024. godine** sa sljedećim elementima ponude:
 - ponudena cijena: **100.800,00 KM** bez uračunatog PDV-a, odnosno 117.936,00 KM sa uračunatih 17% PDV-a na paritetu DDP krajnje odredište – RMU "Đurdevik"
 - uslovi i rok plaćanja: odloženo plaćanje u roku 60 dana od dana fakturisanja, odnosno isporuke robe, bez bankovne garancije za odloženo plaćanje
 - rok isporuke robe: 20 dana od dana obostranog potpisivanja Ugovora,
 - garantni rok: 6.000 mč po jednoj gumi.

2. Ponuda ponuđača: **“Gold Mignon” d.o.o. Sarajevo broj: 47/24 od 20.02.2024. godine** sa sljedećim elementima ponude:

- ponuđena cijena: **100.985,00 KM** bez uračunatog PDV-a, odnosno 118.152,45 KM sa uračunatih 17% PDV-a na paritetu DDP krajnje odredište – RMU "Đurdevik"
- uslovi i rok plaćanja: odloženo plaćanje u roku 60 dana od dana fakturisanja, odnosno isporuke robe, bez bankovne garancije za odloženo plaćanje
- rok isporuke robe: 20 dana od dana obostranog potpisivanja Ugovora,
- garantni rok: 6.000 mč po jednoj gumi.


Obzirom na prednje izneseno, donesena je odluka kao u dispozitivu.


Pravo žalbe

Ponuđač koji je učestvovao u postupku javne nabavke po ovom predmetu i koji smatra da je Ugovorni organ u toku postupka prekršio jednu ili više odredbi Zakona o javnim nabavkama BiH, ima pravo izjaviti žalbu na postupak, na način i u rokovima utvrđenim u članu 99. i 101. Žalba se izjavljuje URŽ-u putem Ugovornog organa u pismenoj formi u roku od 10 dana od prijema Odluke o izboru najpovoljnijeg ponuđača.

PROKURISTA

V.D. DIREKTOR


Dr. sci. Admir Jahić, dipl.inž.el.teh.


Zijad Rahimić, dipl.inž.rud.

DOSTAVLJENO:

- ponuđačima,
- arhivi.